



HAL
open science

Arestakes Simavoryan

► **To cite this version:**

| Arestakes Simavoryan.

. 2020, 10.5281/zenodo.6557964 . hal-03670895

HAL Id: hal-03670895

<https://hal.science/hal-03670895>

Submitted on 17 May 2022

HAL is a multi-disciplinary open access archive for the deposit and dissemination of scientific research documents, whether they are published or not. The documents may come from teaching and research institutions in France or abroad, or from public or private research centers.

L'archive ouverte pluridisciplinaire **HAL**, est destinée au dépôt et à la diffusion de documents scientifiques de niveau recherche, publiés ou non, émanant des établissements d'enseignement et de recherche français ou étrangers, des laboratoires publics ou privés.

Copyright



Turkish Eurasianism

Arestakes Simavoryan

Specialist of Oriental Studies, Turkologist, ORBELI - Analytical Research Center, Analytical Senior expert of the service

ARTICLE INFO

Article history:

Received December 11, 2019

Available online December 14, 2020

Keywords:

Turkey,
Turkish Eurasianism,
Ideology

ABSTRACT

Eurasianism as a geopolitical concept and ideology in Turkey began to develop after the collapse of the bipolar world, in parallel with the new geopolitical and regional realities. The Turkish version of Eurasianism underwent many changes throughout its conception. However, professional literature clearly shows that due to its different meanings on the ideology, Turkish political elite have not found a common approach to the concept of “Eurasianism”.

DOI: <https://doi.org/10.5281/zenodo.6557964>

© 2022 All Rights Reserved

Թուրքական եվրասիականության հարցերի շուրջ

Արեստակես Միմավորյան

Հիմնաբառեր:

Թուրքիա,
թուրքական
եվրասիականություն,
գաղափարախոսություն

ՀԱՄԱՌՈՏԱԳԻՐ

Եվրասիականությունը որպես աշխարհաքաղաքական հայեցակարգ, գաղափարախոսություն Թուրքիայում սկսեց զարգանալ երկբևեռ աշխարհի փլուզումից հետո: Ընդ որում, աշխարհաքաղաքական և տարածաշրջանային նոր իրողություններին համընթաց վերջին տասնամյակում «եվրասիականության» թուրքական տարբերակը ենթարկվեց որոշակի ձևափոխումների: Այնուամենայնիվ, մասնագիտական գրականությունում հստակ ցույց է տրվում, որ տարբեր ժամանակաշրջանում այն ստացել է նոր բովանդակություն և իմաստ, հետևաբար, թուրքական քաղաքական էլիտայի մոտ չկա «եվրասիականության» հարցում ընդհանուր մոտեցում և կոնսենսուս:



Եվրասիականությունը որպես աշխարհաքաղաքական հայեցակարգ, գաղափարախոսություն Թուրքիայում սկսեց զարգանալ երկրենտ աշխարհի փլուզումից հետո: Ընդ որում, աշխարհաքաղաքական և տարածաշրջանային նոր իրողություններին համընթաց վերջին տասնամյակում «Եվրասիականության» թուրքական տարբերակը ենթարկվեց որոշակի ձևափոխումների: Այնուամենայնիվ, մասնագիտական գրականությունում հստակ ցույց է տրվում, որ տարբեր ժամանակաշրջանում այն ստացել է նոր բովանդակություն և իմաստ, հետևաբար, թուրքական քաղաքական էլիտայի մոտ չկա «Եվրասիականության» հարցում ընդհանուր մոտեցում և կոնսենսուս:

Ինչպես նշում է Ի. Տորբակովը, «Մասնագիտական գրականությունում «թուրքական եվրասիականությունը» (Avrasyacilik) ներկայացվում է որպես ձախ քեմալական գաղափարախոսություն և հակաարևմտյան, ռուսամետ աշխարհաքաղաքական խոսույթ, որն ի հայտ եկավ 1990-ականներին՝ Սառը պատերազմից հետո: Չնայած այս աշխարհաքաղաքական տեսլականի թուրք կողմնակիցներն իրենց նույնացնում էին որպես «Եվրասիականներ», բայց նրանց գաղափարներում և աշխարհաքաղաքական կառուցվածքներում հնարավոր չէ գտնել լուրջ բովանդակություն: Միակ բանը, որ կարծես կապում է նրանց տեսությունները դասական (կամ նեո) եվրասիականության հետ, մի տեսակ «հակահեգեմոնիկ տեսլական է», որն առաջադրվում է որպես այլընտրանք Արևմուտքի (ԱՄՆ) դեկավարած գլոբալիզացիայի նախագծին» [Torbakov, 2017]: Ըստ էության, նրանք հանդես են գալիս Եվրասիայում պետությունների հզոր միության ստեղծման օգտին՝ ի դեմս Ռուսաստանի, Չինաստանի, Իրանի և Թուրքիայի, ինչը թույլ կտա վերջ տալ ԱՄՆ գերակայությանը:

Պահպանողական (իսլամական) և պանթուրքական քաղաքական ուժերն ունեն եվրասիականության իրենց մոտեցումները. Թուրքիայի կողմից գաղափարական և մշակութային ներթափանցում նախկին Խորհրդային Միության տարածք, որտեղ կստեղծվեն կրթական հաստատություններ և մեդիակառույցներ, կիրականացվի մշակութային համագործակցություն՝ թուրք-իսլամական համադրման հենքի վրա: Ռազմավարական նպատակն է ստեղծել տարածաշրջանային հակակշիռ Ռուսաստանին և ամրապնդել համագործակցությունը թուրքական պետությունների հետ [Ибрагимов, 2015; 23-25]:

Օայրահեղ աջ թևի ներկայացուցիչ թուրք գաղափարախոսների մի մասը Եվրասիա տարածքի մեջ ընդգրկում է ոչ միայն Թուրքիան, այլև Կովկասը, Միջին Ասիան, Պովոլժիեն և Հյուսիսային Աֆղանստանը՝ նշելով, որ այդ տարածքներում բնակվում են թուրքական ժողովուրդներ: Մյուսները՝ Բալկանները, Իրանը, Ուկրաինան, Հունգարիան և Պակիստանը: Այս տեսանկյունից տարբեր մասնագետներ նշում են, որ Թուրքիայի եվրասիական քաղաքականությունն ունի նեոթուրքիզմի երանգներ և Եվրասիայի թուրքական քարտեզը (ընդգրկում է Թուրքիայից Չինաստան տարածությունը) գրեթե համընկնում է Թուրանի աշխարհագրական քարտեզին [Тавадзе, 2006]:

Ըստ էության, «Եվրասիականության» հիմքում ընկած է համաթուրքական միությունը: Ակնհայտ է, որ խոսքը պանթուրանական նոր մոդելի մասին է, որի հիմքը մեկ միասնական պետականության կամ որևէ միության ստեղծումն է: «Եվրասիականության» այս տարբերակի կողմնակիցներն են պանթուրքիստները կամ այլ բնութագրումով՝ թուրք ազգայնական/ազգայնամոլական եվրասիականները [Tüfekçi, 2017; 23-24]:

Այս ուղղության գաղափարախոսներից մեկը՝ ազգային անվտանգության ոլորտում վերլուծություններ իրականացնող Ռազմավարական հետազոտությունների թուրքական կենտրոնի նախկին ղեկավար Ալի Քյուլեբին, առաջ է քաշում թուրքական եվրասիականության իր հայեցակարգը, որի դրույթները աղերսներ ունեն պանթուրքիզմի և պանթուրանիզմի հետ: Մասնավորապես, նա գտնում է, որ Թուրքիան նախ պետք աստիճանաբար ուժեղացնի իր ազդեցությունը Միջին Ասիայի թուրքական պետությունների վրա և ապա ամրապնդի հարաբերությունները Ուրալից արևելք ընկած թուրքական ժողովուրդների հետ՝ տնտեսական, մշակութային, քաղաքական կապերով: Եվ երբ Ռուսաստանը թուլանա, Թուրքիան պետք է ստեղծի կայուն հարաբերությունների համակարգ թուրքական երկրների հետ, որտեղ գերագույն նպատակը ընդհանուր (թուրքական) տնտեսական միություն ստեղծելն է: Արդյունքում, ըստ նրա, երբ տարածաշրջանը կամ դրա կենտրոնական մասը հայտնվի թուրքական պետությունների լիակատար վերահսկողության ներքո, տարածաշրջանում Թուրքիային դերն առնվազն նույնքան կարևոր կդառնա, քանի որ Եվրասիան վերահսկելու քաղաքականություն են իրականացնում նաև արտատարածաշրջանային տերությունները [Külebi, 2006]:

Հարկ է նշել, որ Թուրքիայում գոյություն ունի նաև եվրասիականության հակաարևմտյան տարբերակը, որը փորձագետների կողմից ստացել է քեմալական կամ բազմամշակութային եվրասիականություն անվանումը [Simavoryan, 2010; 60-61]: Հետազոտողները նշում են, որ վերջին քսան տարիներին եվրասիական և քեմալական գաղափարախոսությունները Թուրքիայում միաձուլվել են: Դրա արդյունքում քեմալական և սոցիալիստական մտավոր, քաղաքական, նաև ռազմական ոլորտի մի շարք գործիչներ սկսեցին ձևակերպել եվրասիականությունը որպես Թուրքիայի համար նոր աշխարհաքաղաքական խոսույթ [Akçali, Perinçek, 2009]:

Այս մոտեցումները ներկայացված են, մասնավորապես, Թուրքիայի «Հայրենիք» (նախկին՝ «Աշխատավորական») կուսակցության ղեկավար Դոդու Փերինչեքի, նրա որդու՝ Մեհմեթ Փերինչեքի և թուրք գրող Աթթիլա Իլհանի աշխատանքներում, որտեղ «եվրասիական ընտրությունը» ձևակերպվում է որպես ազգայնական և հակաամերիկյան, հակաարևմտյան նախագիծ: Այս տեսանկյունից, ըստ հետազոտողների, Թուրքիան քաղաքական, տնտեսական և մշակութային դաշինք պետք է կնքի «եվրասիական երկրների» հետ, ինչպիսիք են Ռուսաստանը, Իրանը, Միջին Ասիայի թուրքական պետությունները, ինչպես նաև Պակիստանը, Հնդկաստանն ու Չինաստանը [Акчали, Перинчек, 2009]:

Փորձագիտական հանրությունում «թուրքական եվրասիականության» շուրջ բազմակարծությունը, ինչպես տեսնում ենք, ոչ միայն չի բացահայտում այս գաղափարախոսության բուն էությունը, այլև խճճում է տեսակետները: Սակայն ակնհայտ է, որ քեմալական եվրասիականության կողմնակիցների տեսակետներում իշխում է այն գաղափարը, որ ընդդեմ արևմուտքի (նկատի է առնվում ԱՄՆ-ն ու ԵՄ-ն) առաջին հերթին Ռուսաստանի հետ համատեղ պետք է ստեղծի միություն: Իսկ ահա ծայրահեղ աջ թևի ներկայացուցիչների մոտեցումները առավելապես հակառուսական են և բազմիցս քննադատվել են ռուսամետ թուրք «եվրասիականների» կողմից:



Օգտագործված գրականություն

- Akçali, E., Perinçek, M. (2009). Kemalist Eurasianism: An emerging geopolitical discourse in Turkey. *Geopolitics*, 14 (3), 550-569.
- Kulebi, A. (2006). The forgotten option: Turkish Eurasianism. *The Turkish Daily News*, 24-8.
- Tüfekçi, Ö. (2017). Turkish Eurasianism: Roots and Discourses. *Eurasian Politics and Society: Issues and Challenges*, 9-35.
- Simavoryan, A. (2010). Ideological Trends in the Context of Foreign Policy of Turkey. *Europe&Orient*, (11), 55-62. (hal-03232994).
- Torbakov, I. (2017). Neo-Ottomanism versus Neo-Eurasianism?.
<https://www.ui.se/utrikesmagasinet/analyser/2017/januari/neo-ottomanism-vs-neo-urasianism/>.
- Ибрагимов, А. (2015). Евразийская идея в Турции: особенности и тенденции. *Южно-российский форум: экономика, социология, политология, социально-экономическая география*, (2), 18-27.
- Тавадзе, Д. (2006). В ожидании турецкого шторма. [Электронный ресурс]-Режим доступа: <https://iamik.ru/news/zarubezhe/52006/>.
- Акчали, Э., Перинчек, М. (2009). Кемалистское евразийство: новый политический дискурс в Турции. [Электронный ресурс]-Режим доступа: <https://www.warandpeace.ru/ru/analysis/view/42088/>.